

*L. F. F. L. E. J. D. J.*  
DISSERTATIO INAUGVRALIS MEDICA,

DE  
**SENECTVTE,**

QVAM,  
CLEMENTISSIMO SVMMI NVMINIS AVSPICIO,  
RECTORE VNIVERSITATIS MAGNIFICO,  
VIRO PRAENOBILISSIMO ET CONSVLTISSIMO  
**DN. TOBIA IAC. REINHARTHO,**

ICTO, SACRI PALATII CAESAREI COMITE, IVRID. FACVLT. ASSESSORE,  
ET PROFESS. COD. PVBL. ORDIN. CIVIT. STNDICO  
ET CONSVLE,

AVTORITATE ET DECRETO  
INCLITAE FACVLTATIS MEDICAE

IN CELEBERRIMA ERFVRTENSIVM ACADEMIA

SVB PRÆSIDIO

GRATIOSI ORDINIS MEDICI DOMINI DECANI ET SENIORIS,

**DN. D. HERMANNI PAVLI IVCHII,**

SERENISS. DVCVM SAXO-VINAR. ET ISENAC. CONSIL. AVLICI ET ARCHIAT.  
PATHOL. ATQVE PRAXEOS PROFESS. PVBL. PRIMAR. ACADEM.  
CAESAR. NAT. CVRIOS. COLLEGAE,

PATRONI, HOSPITIS ET PROMOTORIS SVBMISSE COLENDI,

**PRO GRADV DOCTORIS**

**SVMMISQVE IN ARTE SALVTARI PRIVILEGIIS  
ET IMMVNITATIBVS**

SOLENNI RITV MORE MAIORVM IMPETRANDIS,

PVBLICAE ERVDITORVM DISQVISITIONI SVBMITTIT,

AVTOR ET RESPONDENS

**IOANNES GODOFREDVS KAMPER,**

*Wratisl. Siles.*

IN AVDITORIO MAIORI COLLEGII MAIORIS, HORIS CONSVETIS.

DIE XI. IVLII M DCC XXXII.

ERFORDIAE, Typis JOH. CHRISTOPHORI HERINGII, Acad. Typogr.



30

REVISED

1874

INCLUSE

ON D. HERMAN BAYLY



INCLITAE WRATISLAVIENSIVM  
REIPVBLICAE  
PRAESIDI ILLVSTRI,  
CETERISQVE  
VIRIS  
MAGNIFICIS, GENEROSISSIMIS,  
MAXIME STRENVIS  
SENATORIBVS  
ET  
SYNDICIS  
PATRIBVS PATRIAE OPTIMIS,  
MAECENATIBVS INDVLGENTISSIMIS,  
DOMINIS SVIS GRATIOSISSIMIS,  
PRO BENEFICIIS HACTENV SIBI COLLATIS,  
HAS LABORIS MEDICI PRIMITIAS,  
GRATI SVBIECTIQUE ANIMI TESSERAM,  
HVMILLIME OFFERT,  
ET PLACIDISSIMAM ADPRECATUR SENECTVTEM;  
SVMMORVM PATRONORVM

Cultor perpetuus  
JO. GODOFR. KAMPER,  
Autor.



INCIPIT OPERA ALEXANDRI

REYNOLDS

REYNOLDS

VIRI

ALGIVITIS GENTIS

MAJORE STERILIS

SENA TORIBVS

ET

SYNDICIS

PATRIBVS PATRIAE OPTIMIS

MAGNANIMIS INDULGENTISSIMIS

COMITIBVS SVIS GRATIOSISSIMIS

PRO BENEFICIO MAGNANIMO COLLAIS

HAS LABORES MEDICI TRIBUTAS

GRATI SUBIECTIONE ANIMI TESTAM

HAUDITIME OFFERT

ET REACIDISSIMAM ADRECECTIV SEVECTIVAM

VMMORVM PATRONVM

Colore perkins

JO. GODOL. KAMPER

Amst.




---

DISSERTATIONIS INAUGVRALIS  
MEDICÆ

DE  
SENECTUTE.

---

§. I.

irculatio est motus fluidorum in corpore humano progressiuus, a cordis & arteriarum systole & diastole, fibrarumque tono proficiscens, secretiones & excretiones ad conseruationem corporis dirigens.

§. II.

Vbi massae sanguineae ceterorumque humorum existit circulatio, ibi vita adesse dicitur,

§. III.

Quanquam autem homines ope mirabilis istius circuitus necessario vitales actiones exercere possint: constanti tamen docemur experientia, tractu temporis corpora varias subire mutationes, &



quemadmodum a primis augentur initiis, ita etiam certa ratione decrefcere.

§. IV.

Fieri tamen id poteft fanitate falua. Cum enim fit fanitas naturalis corporis viui potentia decen- ter omnes fuas actiones exercendi a conftitu- tione & natura partium peculiari dependens, du- bium certe non eft, eam certos admittere gradus aut differentiam effentialem, & ex partium corpo- ris humani diuerfa, ordinata quali & fucceffiuu con- ftitutione variam quoque affumendam effe decen- ter agendi potentiam.

§. V.

Cum itaque corpus incorruptum licet & fa- num fuu tamen decrementa patiatu fecundum na- turam, cauffa huius effectus in ipfo principio vitali quaerenda, languidiorque maffae fanguineae motus culpandus erit, qui ex mutata fucceffiuu proportio- ne fequitur.

§. VI.

Cum enim circulatio mutua fibrarum con- ftrictione & dilatatione perficiatur; constrictio au- tem & dilatio ab humorum contentorum & in- fluentium actione dependeat: necelfe omnino eft, vt tam folidae quam fluidae partes fymbolam fuam conferant.

§. VII.



§. VII.

Fluida vel quantitate, vel qualitate, vel motu concurrunt, atque ita languorem talem producunt.

§. VIII.

Fluidae partes copia excedentes vasa extendunt, vim contrahendi impediunt, imo quandoque tensione nimis diu durante atoniam aut rupturam efficiunt: vnde congestiones & alia progressus vegetioris impedimenta oriuntur.

§. IX.

Fluida defectu peccantia fatiscente debita vaporum expansione eadem exinanita & ad decentem constrictionem inepta reddunt, necessariam canalium minimorum repletionem atque ita massae sanguineae circulum impediunt.

§. X.

Proportio autem & miscela humorum huic circulo inimica maxime illa est, vbi ad insignem visciditatem spirituascentiaeque & actiuitatis decrementum isti inclinant: vbi particulae terrestres, humidas inuoluentes, leuesque salinas intermixtas habentes, vel particulae acidae, nitro-tartareae, rigidae, coagulum & aliqualem quietem inducere valentes, superabundant.

§. XI.

Ex motu intestino fieri tale quid videmus, vbi,  
vehe-



vehementiori agitatione productus calor serum blandum dissipat, & ita fluxilitatem destruit.

§. XII.

Solidarum vero inprimis partium attentionem maiorem meretur consideratio, quae genuinam circulationis & hinc virium deiectionis causam patefaciunt. Neque enim solum ossa cernimus fieri indies duriora, sed & ipsas demum arterias compactiorem vel aliquando osseam induere substantiam, imo membranis densioribus factis tenuissimos canales subcutaneosque tubulos angustari vel plane claudi. Vtriusque origo necessaria est, si, quod fit in annosioribus, fibrae & membranae, a vasis subtilissimis nutrimentum capientes, sensim minimis poris ductibusque occlusis componant lamellas: his vero nova talia inducantur strata, & obliquarum transversarumque fibrillarum vinculo arctius combinentur: ita enim quo plures fibrae & lamellae sibi inuicem incumbunt, eo crassior solidiorque compages reperitur.

§. XIII.

Licet igitur ossa praeter aliquam motus difficultatem toti corpori communicatam massae sanguineae progressui parum noceant: eo maius tamen ex arteriarum rigiditate sequitur incommodum. Cum enim harum decenti constrictione vitales succi debeant propelli, vasa autem haec mirae duritiae imbuta haud sufficienter se constringere valeant,



leant, liquido certe apparet propulsum a corde sanguinem multo minori impetu, quam requirebatur, partibus communicari; vnde cum is in tenuissima vascula minimosque canales penetrare haud possit, eadem nutritione & repletione deficienti concidunt, contactuque immediato parietes coalescunt, vnde membranarum tubulorumque soliditas & succorum laudabilium aut excrementitiorum secretiones vel excretiones impeditae eueniunt.

§. XIV.

Horum autem omnium phaenomenorum ratio ab ipsis actionibus naturalibus deducenda est. Non enim tantum digestio & nutritio, licet optimo modo se habeant, ad augmentum & repletionem corpus humanum disponunt: Sed inprimis etiam omnis generis secretiones pro subiectorum diuersitate quandoque variantes vel apponendo partes homogeneas, vel peregrinas non sufficienter separando, fluida & solida nostri corporis alterare possunt. Excrementitii autem succi cum propter pororum canaliumque angustiam, horumque soliditatem nequeant decenti ratione remoueri, in corpore accumuluntur, bonis fluidis miscentur, eademque corrumpunt.

§. XV.

Nemo quidem negabit circulationem magnam vim obtinere magnumque in ceteras actio-



nes influxum; cum hae ab ista, velut ab origine sua, profluant, nisi qui certissimae contradicere velit experientiae. Videmus enim pro eiusdem diuersitate varioque in partes influxu diuersa etiam ratione se habere totius corporis rebus, digestionem ipsam cum secretionibus & excretionibus variare plurimum, imo sensuum quoque organa & animi inclinationes cum ingenii facultatibus disparem subire conditionem. Quare extra omne dubium positum est, circulum sanguinis lentum & debiliorem languidiores quoque producere omnes reliquas corporis viui & sani actiones, eidemque ita mutationem satis insignem inferre. Qua vero ratione id in singulis fiat partibus, ex earundem structura & usu clarissime patescit.

§. XVI.

Antea memorata partium solidarum & fluidarum corporis humani constitutio, & ad circulum sanguinis lentiolem promouendum functionesque exinde competentes obeundas habitudo, dicitur temperamentum frigidum & siccum. Ipsam autem vitae periodum, quae eiusmodi crasin & hinc remissiolem circulationem obtinere solet, nominamus senectutem.

§. XVII.

Externa huius signa se sponte sua manifestant: tetricae enim exarant cutem rugae; color viuus ple-



plerumque in pallidum, flauum aut liuescentem abit; capillatam partem niuea occupat canities; caput saepius inuoluntario motu huc illuc vacillat; omnia totius corporis membra tremori adsuescunt; ipsa denique sensuum organa difficilius debitum praestant officium; & quae forte plura cumulari possent phaenomena.

## §. XVIII.

Diuidi solet in crudam, mediam & decrepitam, quae tantum gradu differunt. Realior vero diuisio est in praecocem & maturam. Praecox dicitur, ubi natura quadam velut anticipatione exitum affectat, dum temporis rationem festinatione ad senescendum praeuertit: cum matura potius sit, quae finem suum adepta est, quam etiam potissimum in praesenti tractatione respicimus.

## §. XIX.

Ex haecenus dictis patet, omnes homines ordinaria naturae lege senectuti subiici. Cum enim corpus humanum materiale sit, adeoque putredini singulis momentis obnoxium, nisi salutaris ille obstarer massae sanguineae circuitus, qui tamen subinde nutrimentis conuenientibus conseruandus est: exinde merito ratione & experientia ducti concludimus, tum illud tanto magis alterari &, quemadmodum ceterae res materiales, mutari debere, quo diutius iste durat ad resolutionem conatus:



tum etiam manifestam inferre mutationem secretiones & excretiones continuas, humores plerumque benigniores maiori quantitate dissipantes, quam quae ab assumptis denuo alimentis possit restitui, vel excrementitios, ob vias vel angustatas, vel clausas, copiose retinentes ceterisque fluidis miscentes. Quales autem humores successiue ita ingenerentur ad corruptionem nempe pronissimi, id nos §. X. breuiter annotauimus. Solida tamen praecipue, cum naturaliter magis concrecant & indurentur, idque neutiquam euitari possit per §. XII., necessitatem nostrae assertionis vberius demonstrant.

§. XX.

Videntur veritatem huius thesios infirmare historicae autorum probatae fidei relationes, quas Caspar a Reies in campis elysiis iucundarum quaestionum, quæst. XXVI. collegit: vbi exempla reperiuntur hominum vel ipsam senectutis efficaciam veramque indolem haud sentientium, vel, licet eiusdem iam agnouerint dominationem, ab ipsa tamen felicissime liberatorum. Non illis numerosae faciem deformabant rugae; nec verenda canities verticem mentumque occupabat; nulla vacillatio, nullus tremor in capite singulisque artubus obseruabatur; non denique curui atque inhabiles incedebant fallaci instrumento gressus suos fulcientes: sed vna cum habitu nitoreque iuuenili virium



virium quoque robur vel haecenus possessum retinere, vel recuperarunt amissum.

§. XXI.

Operae itaque pretium erit in causas admirandi huius euentus inquirere, pauloque curatius sciscitari, an & quomodo aliquibus tam iucunda iuuentutis cum senio obtingere potuerit commutatio?

§. XXII.

Recordamur itaque inprimis eorum qui crescentibus annis de aetatum gradibus securi declinationisque immemores virentis iuuentae limites haud egressi sunt. Fatendum vero hic statim in principio est, casum hunc utique esse rarissimum: nihilominus tamen cum huc vsque videamus quosdam homines aetate prouectiores aliquandiu vel exigua vel plane nulla longi aevi signa referentes; non dubitandum est, quibusdam etiam diuturniorem eiusmodi accidere potuisse felicitatem. Cum autem senectus tum ab humorum discrasia, tum a solidorum rigiditate, generatim autem a circulo sanguinis debiliori dependeat; necesse est omnino, ut, quicquid temperiem & sufficientiam fluidorum, apertionem autem, flexilitatem & tonum solidorum, atque generatim sanguinis circulum decenter conseruat, ad virentium annorum continuationem insolitam disponat.



§. XXIII.

Iam secundo loco de iis dicendum est, qui non aetate modo sed & ipso habitu senes iam referebant, subito autem iuuenum adsumsisse visi sunt maturitatem. Rariora certe hic quoque cernuntur exempla: negari tamen haud potest, nobis quotidie ante oculos versari aut relationibus aliorum innotescere, qui siue in hac, siue in alia parte, senectutem exuerunt. Quoties enim capilli iam desperditi senibus ipsis renati, & canities in nigredinem conversa? Quoties dentes denuo prodierunt? Quoties denique visus diu iam debilior, repente iterum acutior factus est? Non ergo inconueniens fore speramus, si quod saepe per partes, quandoque etiam in toto homine accidere posse arbitremur.

§. XXIV.

Ne tamen plenariam hanc credamus renouationem, obstat, tum difficilis ea aetate humorum in benigniores mutatio, tum solidarum partium durities & concretio solennis. Neque quicquam aliud quam possibilitatem talem admittendam censemus, quanquam ipse etiam DEVS secundum effectum illud *renouabitur, ut aquila, iuuentus tua*: fidentibus charisque amicis tale beneficium impertiret. Tantum enim abest, ut eius sapientia naturae ordinem inuertat datasque leges suspendat; quin potius easdem conseruet, praesentibusque corporibus & organis, tanquam instrumentis utatur ad determinatos effectus producendos.

§. XXV.



§. XXV.

Iis quidem, qui remediis in florentissimam aetatem restitui posse homines clamitant, acerbum nimis videbitur TRALLIANI, L. XII. de marasmo, responsum: *Senium nulla medicina tolli potest.* Illud tamen quam maxime de eiusmodi panacaeis dici debet, quales inprimis PARACELSVS L. IV. *auror. med. c. 4.* protulit, quae arrogantibus encomiis latitantes produnt ineptias. Saniores enim medici libentissime huiusmodi medicaminum ignoracionem fatentur: licet non omnino negent, quasdam dari plantarum, aquarum lapidumue virtutes quibus senium retardari, iuventusque reduci quodammodo possit, quamuis incognitas: quoniam plurimarum rerum vires nobis ignotae & arcana copiosissima patulo naturae sinu occultantur

§. XXVI.

Atque harum rerum notitiam certiolem primos habuisse homines probabile est: cum enim magna illustrati fuerint sapientia, commoda sanitatis praesidia & secretas medicinas retardandae & leniendae senectuti accommodatas inuenire, liberisque suis talia contra senium experimenta commendare potuerunt: vnde primis temporibus maius vitae spatium plures emensi sunt.

§. XXVII.



## §. XXVII.

Recentiori aevo quae de illustribus fontium quorundam viribus, quorum aquae potu senii cum iuuenta fieri dicitur mutatio, quae itidem de herbarum innominatarum succis, atque aliis casu inuentis remediis, mirandisque horum omnium effectibus ab auctoribus memorantur, ea nos curiosis rerum naturalium indagatoribus vltius exploranda relinquimus. Interim eo vsque frustranea medicastorum & agyrtarum promissa hominum animis euellere conabimur, donec talium medicamentorum operationes, insitaeque vires decenti diligentia fuerint patefactae. Adparet igitur ex huc vsque dictis necessitatem senectutis non esse mere hypotheticam, sed vniuersalem: quanquam enim, pauca certe, dentur exempla in contrarium, a potiori tamen fit denominatio.

## §. XXVIII.

Certiozem illi finem eligunt, qui senectutis coniunctorumque ei symptomatum molestiam accurata selectiorum diaeteticorum praeceptorum obseruatione mitigare student. Extra omnem enim dubitationem positum est, diaetae, vti per omnem aetatem, sic inprimis in prouectioribus annis maximam esse utilitatem.

## §. XXIX.

Generatim itaque senibus commendanda est mediocritas, cum eorum corpora rerum externarum



rum iniuriis magis sint opportuna, adeoque omnem  
nimium eorum naturae maxime inimicum.

§. XXX.

Sedulo senes monendi sunt, ne se aëri frigidi-  
diori exponant. Ille enim tam in pulmonibus,  
quam ipsam contingendo corporis superficiem, ca-  
lorem nostri corporis imminuit. Refrigerationem  
illam sequitur proxime retentio particularum sali-  
no-sulphurearum & serosarum, quae per transpira-  
tionem insensibilem tum in pulmone tum in cute  
secerni debebant: eadem porro producit massae  
sanguineae condensationem & motum tardio-  
rem, cohaesionem partium quarumvis maiorem, fibra-  
rum constrictionem, angustationem vasorum prae-  
sertim extremorum, stases sanguinis in iisdem,  
hinc tumorem extremorum, sanguinis & spirituum  
inaequalem in musculos influxum, hinc tremo-  
rem, &c.

§. XXXI.

Senibus vitanda sunt, quae difficilius a ventri-  
culo subiguntur; & cum eorum alimenta per se  
in stomacho facillime acecant, praesertim acida:  
ne humores iam lenti ad funestas stagnationes di-  
sponantur. Vnde abstinere debent a lacticinio-  
rum & casei, imo frequentiori carnum usu: ista  
enim acidum, hae vero humorum copiam & cor-  
ruptionem senibus infensissimam augent.

§. XXXII.

Senibus potius convenit victus simplex &  
temperatus: cuius indolis sunt vegetabilia coctio-



ne mollita, vt passulae, pruna, poma, legumina molliora, olera & pisces: ea praecipue, quae in coena adsumuntur, ita debent esse comparata, ne digestionem negotium faciant.

§. XXXIII.

Potus senum sit vinum; quod haud inconcinne lac senum nominatur; sed forte & generosum. A vinis vero vaporosis & sulphureis, acidis & tartareis, imo ab ipso spiritu vini simplici eos abstinere consultum est, nisi irreparabile fere sanitati damnum inferre malint.

§. XXXIV.

Motus lenis sub aere temperato institutus senili aetati maxime conducibilis est. Vnde maiori robore adhuc praesente deambulatio, equitatio, vectura & aliquando peregrinatio breuior: infirmioribus autem frictiones & gestatio suaderi possunt.

§. XXXV.

Somnus deuexae aetati maximum semper solatium adfert: sit itaque ille sufficiens, non vero nimius, qui ad morbos pituitosos & tartareos, flatus copiosos, & reliqua disponit.

§. XXXVI.

Vigiliae senibus semper nociuae sunt; dissipant spiritus & serum blandum, adeoque vires imminuunt.

§. XXXVII.

Curandum etiam sedulo, ne aluinarum faecum exclusio aut dimissio urinae inordinatae fiant: omni-



omnique studio salutaris illa per transpirationem insensibilem feri salino-sulphurei excretio promovenda est, quod fit per motum lenem, adsumtum vinum bonae notae, ac adhibita infusa ex herbis aromaticis. Prioris autem generis excreta potius per clysteres aut alia aptiora singulis casibus medicamenta, quam per purgantia vel diuretica, in ordinem reducenda sunt, cum praecipitata eiusmodi cura saepius inopino infelicem habuerit exitum.

§. XXXVIII.

Solet quandoque ob vitam sedentariam vitiumque paullo liberaliorem, vel haemorrhoidum vel mensium cessationem, in vasis quoque senum abundare sanguis, qui quidem alias scorbutum, viscerum infarctus, marasmm, affectus soporosos, ipsam denique apoplexiam induceret, nisi mature a medico prudenti per Venae sectionem minuatur.

§. XXXIX.

Fugienda praeterea senibus grauiora animi pathemata, maioresque commotiones. Profunt tamen ad valetudinem tuendam adfectus moderati, qualis est laetitia, non quidem subitanea, sed durabilior, quae tamen, cum senes ad tristitiam ordinario magis sint propensi, nimia in iis facile excitari nequit.

§. XL.

Cum merito consuetudo dicatur altera natura: hinc nunquam senibus ab adsueto vitae genere sine graui causa recedendum est. Quisquis & diaetae salutaris & consuetudinis limites transierit, is temeritatem suam conuenientibus luet poenis.



§. XLI.

Cum ratione & experientia constet, dari quasdam sanitatis species, quae temperamentorum nomine veniunt, omnes quidem diuerso licet modo conseruationem hominis obtinentes : eas autem aetatum successiua mutatio certissime experiatur : sequitur omnino, senectutem ejusque temperiem aetatis sano esse potius adscribendam statui : quam morbosis adfectionibus annumerandam. Qui enim cum Terentio Comico senectutem per se malam esse valetudinem affirmant ; ii nimis latum ejus vocis vsum commenti sunt, videnturque potius istius aetatis a plerisque deliciis alienae significare voluisse & inertiam & ad morbos mortemque ipsam procliuitatem.

§. XLII.

Copiosissimae de senectutis molestiis audiuntur querelae, ac si iniuste nobiscum transgisset natura, quod arboribus herbisque, nec non quibusdam animantibus annuam concefferit instaurationem, hominibus autem corpus tribuerit spontaneis decrementis obnoxium. Ii vero, si paulisper de infelici mutationum mortisque ipsius causa cogitauerint, haud vltra morosis obiectionibus naturae leges accusabunt. Mors enim cum ob primorum delicta parentum vnique incumbat, ejus vero via non nisi gradatim ineunda sit ; haud abs re forte adfirmabimus, senectutem formare quandam ad moriendum maturitatem.

§. XLIII.



§. XLIII.

Dum certis quibusdam aetatibus quidam etiam morbi magis solent esse familiares: nostrum erit inquirere, quae aegritudines senilia corpora potissimum adoriantur, & ad quos affectus senectutis disponat constitutio?

§. XLIV.

Generatim itaque cum ratione temperamenti ad intemperiem frigidam & siccam inclinet vergens aetas: primo loco nobis considerandus est hujus intemperiei morbus vniuersalis, qui dicitur atrophia. Est autem illa impotentia sufficienter restituendi partes per transpirationem amissas & adponendi nouas: a cacochymica humorum constitutione vel obstructionibus in nervis aut arteriis factis ortum trahens. Summus atrophiae gradus est marasmus, qui a succo nutritio, vel ob sanguinis salinas, serosas, purulentas impuritates, vel ob febris praesentiam, & hinc certissimam sanguinis efferuescentis colliquationem, nimis imminuto producit. Vbi & pinguedo, & carnes minuuntur, omnesque corporis partes solidae simul macrescunt, extreme consummatus marasmus accessit.

§. XLV.

Iam vero paulo specialius videamus qui morbi supra memoratam crasin sequantur. Si senes otio fomnoque pleniori indulgeant & lautioribus fiantur alimentis, scire licet cito adfuturam plethoram, sed ob copiam succorum maiorem, quam excernitur ordinarie, sequentesque inde impuritates, plerumque spuriam.



§. XLVI.

Vbi in senibus ob siccitatem serum blandius subtiliusue deficit, tum synoviae absentia aut stagnatio producit dolores in articulis.

§. XLVII.

Solennis post plures annos maiorque fibrarum soliditas, minimorumque canalium tum lymphae nutritiae aut spirituosae secretioni, tum humorum impuriorum excretionibus destinatorum, vel angustatio vel plenaria obstructio succos minus temperatos, sicque graues afflictiones inducunt.

§. XLVIII.

Ex bronchiorum obstructione, rigiditate & siccitate, vel grauiori pulmonum cum pleura coalitu spirandi nascitur difficultas.

§. XLIX.

Ob meatus cutaneos angustiores & constipatos, deficientemque calorem transpiratio difficilius succedit: atque ita serum impurum pituitosum acre generatur: vnde frequens contingit cum tussi destillatio.

§. L.

Si partes salinae auctiores ad poros cutis deferuntur, ibidemque stagnant; molestissimum pruritus, siccam scabiem, squamosamque cutis ariditatem excitant.

§. LI.

Vbi demum serum salinis acrioribus tartareisque partibus abundans per vias vrinarias exire conatur ibique diutius subsistendo partes afficit sensibiliores: strangurias, ceterasque vrinae difficultates, vesicae arrosiones, vrinas mucosas subinde praesentem vesicae calculum augentes senilia corpora sustinent.

§. LII.



§. LII.

Partes alcalicae siue spirituosae deficientes, vel admixtae copiosius tartareae & acidae ferum coagulantes, menstruum ventriculi alterando, vna cum languidiori spirituum influxu, digestionem alimenterum impediunt; quae quidem & sordes excrementitiae vel ob causas §. XLIV. memoratas, vel diutius in aluo ob quandam viscerum atoniam retentae flatulentias, ructus, colicas, totius corporis languores & inquietudinem causantur.

§. LIII.

Quodsi inaequalis & inuoluntarius spirituum tam in oculi quam reliqui corporis musculos, contingat influxus, statim rotatio obiectorum immobilium cum aliquali difficultate sese in situ erecto sustinendi percipitur, quae dicitur vertigo. Motu autem spirituum imminuto morbus attonitus, & reliqua frigida capitis vitia determinantur.

§. LIV.

Quoniam autem morborum omnium, quibus senectus patet fere innumeris, recensionem nimis prolixam fore censemus, hinc nobis eos tradidisse sufficiet, qui propinquius ex aetatis istius constitutione deduci posse videbantur, & ex quorum ortu reliquorum quoque plurimorum generationes facilius intelliguntur.

§. LV.

Recordamur tamen merito hic obseruationis & moniti practici V. C. Roberti Welsted, Angli, qui plurimos morbos, hanc aetatem adfligentes, optime arthritide superueniente subleuari arbitratur,

*Vid. Liber eius de aetate vergente.*



tur, medicosque in primis eo in tollendis eiusmodi morbis respicere iubet, vt quoduis in visceribus vel partibus nobilioribus haerens vitium in articulos reiiciant: hoc enim, tanquam grauiorum remedio, senes reliquorum immunes persistere malorum. Quam quidem sententiam ex toto nostram facere haud possumus. Licet enim libentissime concedamus contingere quandoque ab articulari morbo accedente morbi senilis solutionem: maxime tamen dubitamus, an rationalem medicum praescripta deceat curatio: cum nondum simus certi, tum vtrum arthritici, an vero ceterorum morborum dolores grauius adfligant: tum etiam an tuto & methodo bona talis institui possit senilium adfectuum cum arthritide commutatio.

§. LVI.

Id certum est, quod Lommius refert, senes quandoque minus iuuenibus ipsis aegrotant: verum, semel diuturnis correpti malis, fere opprimuntur. Cauendum itaque sedulo, ne longi morbi vergentem aetatem inuadant. Sed nos missis iis, quae practicae observationem requirunt, quaeque sigillatim circa cuiuslibet morbi curam prudentia medici moderabitur, breui tantum conspectu solitam senectutis originem, naturam deinde atque constitutionem, tum ex sanguinis circulo debilitato & rerum ad istum concurrentium indole, tum ex actionum omnium hinc exorta infirmitate sistere, quae ratione senium eiusque molestia praecaueri possit dieteticorum praeceptorum diligentibus adhibitione, quique morbi maxime ex peculiari solidarum & fluidarum partium habitudine sequantur, explicare volumus. Quod quidem cum pro virium tenuitate effectum dederimus, dissertationi huic finem imponimus.